

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը և ամսաթիվը՝** ԳԲՔԱ-ԼՕ-2021/17, 09.03.2021թ.

**Բողոք բերող անձ՝** «Գրանթ Թորնթոն» ՓԲԸ

**Պատվիրատու՝** «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամ

**Գնման ընթացակարգի ծածկագիրը՝** «ԱԱԳԼ-ԳՀԾՁԲ-21/10» գնանշման հարցում

**Գնման առարկան** աուդիտորական ծառայությունների ձեռքբերում

#### **Բողոքի պահանջը՝**

1. պարտավորեցնել «ԱԱԳԼ-ԳՀԾՁԲ-21/10» ծածկագրով ընթացակարգի գնահատող հանձնաժողովին դադարեցնել «Էյ-Էմ-Էյչ Աուդիտ» ՓԲԸ-ին ընտրված մասնակից ճանաչելու մասին որոշումը,

2. պարտավորեցնել «ԱԱԳԼ-ԳՀԾՁԲ-21/10» ծածկագրով ընթացակարգի գնահատող հանձնաժողովին ընդունել որոշում՝ գների նվազեցման նպատակով միաժամանակյա նոր բանակցություններ հրավիրելու վերաբերյալ:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**Բողոք ներկայացնող անձ՝ «Գրանթ Թորնթոն» ՓԲԸ**

Գործունեության վայրի հասցե՝ ք. Երևան, Գրիգոր Լուսավորիչի Գ,  
Երևան պրագա թիզնես կենտրոն,  
Պետական գրանցման համար՝ 264.120.09235, վկայական՝ 03 Ա 090206  
Հեռ.՝ 093 50 50 10

**Պատվիրատու՝ «Ա. Ի. Ալիխանյանի անվան ազգային գիտական լաբորատորիա  
(Երևանի ֆիզիկայի ինստիտուտ)» հիմնադրամ**  
Հասցե՝ ք.Երևան, Ալիխանյան եղբայրների փող. 2 շենք

**Բողոքարկվող գնանշման հարցման ընթացակարգի ծածկագիր՝ ԱԱԳԱ-ԳՀՆՁԲ-21/10**

**Գնման առարկա՝ «Ա. Ի. Ալիխանյանի անվան ազգային գիտական լաբորատորիա  
(Երևանի ֆիզիկայի ինստիտուտ)» հիմնադրամի կարիքների համար աուդիտորական  
ծառայությունների մատչեցում**

**Բողոք**

*(ԱԱԳԱ-ԳՀՆՁԲ-21/10 գնանշման ծածկագրով գնահատող հանձնաժողովի որոշման դեմ)*

**1. Փաստական հանգամանքներ**

- 1.1. «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամի կարիքների համար աուդիտորական ծառայությունների ձեռքբերման նպատակով գնահատող հանձնաժողովի 19.02.2021թ. որոշմամբ հաստատված հայտարարության և հրավերի համաձայն՝ հայտարարվել է «ԱԱԳԱ-ԳՀՆՁԲ-21/10» ծածկագրով գնանշման հարցում:
- 1.2. Հայտերը բացվել են 2021 թ. մարտի 1-ին՝ ժամը 11:00, և գնահատող հանձնաժողովի բացման նիստի N 21/10-2 արձանագրության համաձայն՝ ոչ գնային պայմանագրի բավարարող մասնակիցները՝ «Էյ-Էմ-Էյ Աուդիտ» ՓԲԸ և «Րեյքեր Իմիլի Արմենիա» ՓԲԸ ն, «Րի Դի-Օ Արմենիա» ՓԲԸ ն և «Գրանթ Թորնթոն» ՓԲԸ ն, հրավերվել են գների նվազեցման բանակացությունների 2021 թվականի մարտի 4 ին՝ ժամը 12:00-ից 12:30:
- 1.3. Նշված օրը «Գրանթ Թորնթոն» ՓԲ ընկերության ներկայացուցիչ Սեդրակ Բաղայանը ներկայացել է գների նվազեցման բանակացություններին, իսկ մյուս մասնակիցներից ներկայացել է միայն «Էյ-Էմ-Էյ Աուդիտ» ՓԲԸ ներկայացուցիչը:
- 1.4. Նշված գնանշման հարցման շրջանակում գնվելից ծառայության ~~նախատեսված~~ արժեքը սահմանվել է 4 100 000 ՀՀ դրամ, «Գրանթ Թորնթոն» ՓԲԸ ընկերության գնային առաջարկը եղել է ամենացածրը՝ 3 400 000 ՀՀ դրամ առանց ԱԱՀ 4 080

ԱՅՑԻ N 7 5476 11  
09 03 2021

000 ՀՀ դրամ ԱԱՀ-ով, իսկ «Էյ-Էմ-Էյ Աուդիտ» ՓԲԸ գնային առաջարկը՝ 3 495 000 ՀՀ դրամ առանց ԱԱՀ, 4 194 000 ՀՀ դրամ ԱԱՀ-ով:

- 1.5. «Գրանթ Թորնթոն» ՓԲ ընկերության ներկայացուցիչ Սեդրակ Բաղայանի ներկայացրել է ընկերության տնօրենի կողմից ստված լիազորագիր, սակայն վերջինիս լիազորագիրը չի բնօրինակ, ինչի մասին նշված է նաև նիստի արձանագրության մեջ: Գնումների համակարգով Ա. Գնալույանը լիազորագրի վրա նշել է՝ հետևյալը՝ «Հստակ չի ներկայացված, թե որ մրցույթին պիտի մասնակցի, բացակայում է մրցույթի ծածկագիրը»: Արդյունքում Սեդրակ Բաղայանը չի մասնակցել նիստին և չի կարողացել ներկայացնել վերանայված գնային առաջարկ:
- 1.6. Ընդ որում, այդ ժամանակ դահլիճում ներկա են եղել գնահատող հանձնաժողովի քարտուղարը, պատվիրատուի ֆինանսական տնօրենը, ով հանձնաժողովի անդամ չէ, և «Էյ-Էմ-Էյ Աուդիտ» ՓԲԸ ներկայացուցիչը:
- 1.7. 2021 թվականի մարտի 4-ի հանձնաժողովի նիստի N 21/10-3 արձանագրության համաձայն՝ ընտրված մասնակից է ճանաչվել բանակցություններին ներկա միակ մասնակից «Էյ-Էմ-Էյ Աուդիտ» ՓԲԸ-ն, որի առաջարկած վերջնական գինը եղել է 3 399 166.67 ՀՀ դրամ առանց ԱԱՀ, 4 079 000 ԱԱՀ-ով: Հարկ ներ համարում ընդգծել, որ նշված գինը չնչին տարբերությամբ նվազ է «Գրանթ Թորնթոն» ՓԲ ընկերության առաջարկած գնից:

## 2. Իրավական հիմնավորումներ

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 40-րդ կետի 5-րդ ենթապնակի «ա» պարբերության համաձայն՝ *ընտրված և հաջողորարար գնողը գրադեցրած մասնակիցներին որոշելու նպատակով հանձնաժողովի նիստում առաջարկված գների նվազեցման նպատակով ոչ գնային պայմանները բավարարող գնահատված բոլոր մասնակիցներին հետ վարվում են միաժամանակյա բանակցություններ, եթե նիստին ներկա են բոլոր մասնակիցները (համապատասխան լիազորություն ունեցող ներկայացուցիչները):*

ՀՀ քաղաքացիական օրենսգրքի 321-րդ հոդվածի 1-ին մասի համաձայն՝ լիազորագիր է համարվում գրավոր լիազորությունը, որն անձի տալիս է այլ անձի՝ նրա անձանց առջև ներկայացվելու համար: Նույն հոդվածի 5-րդ մասի համաձայն՝ իրավաբանական անձի անունից լիազորագիրը ստված է նրա ղեկավարի կամ դրա համար նրա կանոնադրությամբ լիազորված մեկ այլ անձի ստորագրությամբ:

Լիազորագրի բովանդակությանը օրենքով կոնկրետ պահանջներ առաջադրված չեն, մասնավորապես՝ որևէ իրավական նորմով սահմանված չէ, նման իրավիճակում լիազորագրում մրցույթի ծածկագիրը նշելու պահանջ: Գնահատող հանձնաժողովը ևս ոչ նիստի արձանագրության մեջ, ոչ լիազորագրի վրա չի նշել նման պահանջ սահմանող որևէ իրավական նորմ: Դա նշանակում է, որ այդ պատճառաբանությամբ անձի լիազորությունները չճանաչելու իրավական հիմքն ընդհանրապես բացակայում է:

«Գրանթ Թորնթոն» ՓԲ ընկերության տնօրենի կողմից Սեդրակ Բաղայանին ստված լիազորագրի համաձայն՝ վերջինս լիազորվել է *«...ընկերության անունից հանդես գալ Ընկերության*

*անունից հանդես գալու «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամ և ներկա գտնվելու մրցույթի շրջանակներում ներկայացված հայրերի ամփոփման նիստին և մասնակցելու գների նվազեցման բանակցություններին, այդ նպատակով ստորագրելու և ներկայացնելու դիմումներ, առարկություններ, բացառություններ և այլ փաստաթղթեր, սրանալու Ընկերությանը հասցեագրված ցանկացած փաստաթուղթ, ինչպես նաև կատարելու սույն լիազորագրի հետ կապված անհրաժեշտ այլ գործողություններ...»:*

Գտնում ենք, որ Սեդրակ Բաղայանը լիազորված է եղել մասնակցելու սույն գնանշման հարցման շրջանակներում գների նվազեցման բանակցություններին, իսկ լիազորագրում նշված մրցույթը հստակ է, քանի որ առկա են այն անհատականացնելու համար անհրաժեշտ հանգամանքներ, որոնք հանգում են հետևյալին՝

1. Լիազորագրում հստակ նշվել է «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամը՝ որպես պատվիրատու:
2. Լիազորագրում ուղղակիորեն նշվել է, որ Սեդրակ Բաղայանը լիազորվում է մասնակցելու գների նվազեցման բանակցություններին:
3. Լիազորագրից տրվել է բանակցությունների կայացման օրը՝ 2021 թվականի մարտի 4-ին, 10 օր ժամկետով:
4. «Գրանթ Թորնթոն» ՓԲ ընկերությունն այս պահի դրությամբ չի դիմել և չի հանդիսանում «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամի կողմից հայտարարված որևէ այլ գնման ընթացակարգի մասնակից:
5. Շտուրեթ.am կայքում առկա տեղեկությունների համաձայն՝ նշված ժամանակահատվածում առկա չէ «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամի կողմից հայտարարված որևէ այլ գնման շրջանակներում գների նվազեցման բանակցությունների անցկացման մասին հրապարակում:
6. Անհրաժեշտ է ընդգծել նաև, որ «Գրանթ Թորնթոն» ՓԲ ընկերությունը աուդիտորական կազմակերպություն է, իսկ «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամի կողմից աուդիտորական ծառայությունների ձեռքբերման վերաբերյալ որևէ այլ հայտարարություն և հրապարակված չէ:

Վերը նշված հանգամանքները համակցության մեջ վկայում են այն մասին, որ «Գրանթ Թորնթոն» ՓԲ ընկերության տնօրենի կողմից Սեդրակ Բաղայանին տրված լիազորագրից բավարար չափով հստակ է ձևակերպված և հնարավորություն է տալիս ամբողջությամբ անհատականացնելու լիազորագրում նշված մրցույթը: Հետևաբար, Սեդրակ Բաղայանն օժտված է եղել նշված գնման ընթացակարգի շրջանակներում կայացած գնի նվազեցման բանակցություններին մասնակցելու համապատասխան լիազորությամբ: Դա նշանակում է, որ գնահատող հանձնաժողովի կողմից վերջինիս լիազորությունները չճանաչելը իրավաչափ չի եղել: Այս առնչությամբ հարկ ենք համարում վկայակոչել նաև ՀՀ քաղաքացիական օրենսգրքի 12-րդ հոդվածի 1-ին մասը, որի համաձայն՝ իրավունքը որևէ ձևով չարաշահելը չի թույլատրվում: Դա

նշանակում է, որ գնահատող հանձնաժողովը չի կարող չգրված ձևական պահանջների խախտման պատճառարանությամբ ընկերությանը գրկել գնի նվազեցման բանակցություններին մասնակցելու իրավունքից:

Կարգի 26-րդ կետի 1-ին ենթակետի համաձայն՝ գնահատող հանձնաժողովի կազմը բաղկացած է առնվազն երեք անդամից և ունի նախագահ ու քարտուղար, որոնք սահմանվում են հանձնաժողովի կազմավորման մասին ակտով: Նույն կետի 2-րդ ենթակետի իստաձայն՝ գնահատող հանձնաժողովի նիստն իրավագոր է, եթե նիստին ներկա է հանձնաժողովի անդամների երկու երրորդը: Նույն կետի 4-րդ ենթակետի համաձայն՝ գնահատող հանձնաժողովի որոշումը համարվում է ընդունված, եթե այդ որոշմանը կողմ են քվեարկել հանձնաժողովի նիստին ներկա անդամների կեսից ավելին:

Տվյալ դեպքում 2021 թվականի մարտի 4-ի հանձնաժողովի նիստի N 21/10 3 արձանագրությունը ստորագրել են հանձնաժողովի նախագահը, քարտուղարը և 4 անդամները: Մինչդեռ «Գրանթ Թորնթոն» ՓԲ ընկերության ներկայացուցիչ Սեդրակ Բադալյանին սույն լիազորագրի հարցը քննարկելիս նիստերի դահլիճում ներկա են եղել հանձնաժողովի քարտուղարը և պատվիրատուի ֆինանսական տնօրենը, ով հանձնաժողովի անդամ չէ:

Կարգի 26-րդ կետի 5-րդ ենթակետի համաձայն՝ գնահատող հանձնաժողովի նիստերը տեսաձայնագրվում կամ ձայնագրվում և արձանագրվում են, և յուրաքանչյուր նիստի արդյունքում նիստին ներկա հանձնաժողովի անդամները և քարտուղարը պարտադիր կարգով ստորագրում են այդ նիստի արձանագրությունը:

Արձանագրությունը փաստացի ստորագրած անձանց բացակայությանը նիստի անցկացման հանգամանքը հանգեցնում է հանձնաժողովի կողմից ընդունված որոշումներու ոչ իրավաչափության, որպիսի հանգամանքը պարզելու համար անհրաժեշտ է ուսումնասիրել գնահատող հանձնաժողովի՝ 2021 թվականի մարտի 4-ին՝ ժամը 12:00-12:30 կայացած նիստի տեսաձայնագրությունը կամ ձայնագրությունը:

Այսպիսով, հիմք ընդունելով վերը նշվածը, գտնում ենք, որ «Գրանթ Թորնթոն» ՓԲ ընկերության ներկայացուցիչ Սեդրակ Բադալյանի լիազորությունները չճանաչելը եղել է ոչ իրավաչափ, և վերջինս անհիմն կերպով գրկվել է նշված նիստին մասնակցելու և վերանայված գնային առաջարկ ներկայացնելու հնարավորությունից:

Հիմք ընդունելով «Գնումների մասին» ՀՀ օրենքի 46-րդ հոդվածի 1-ին մասը, 3-րդ մասի 1-ին կետը, 50-րդ հոդվածի 7-րդ մասի 1-ին կետը՝

#### **խնդրում ենք**

1. Պարտավորեցնել ԱԱԳԼ-ԳՀԾՁԲ 21/10 ծածկագրով ընթացակարգի գնահատող հանձնաժողովին դադարեցնել «Էյ-Էմ-Էյչ Աուդիտ» ՓԲ ընկերությանը ընտրված մասնակից ճանաչելու մասին որոշումը:
2. Պարտավորեցնել ԱԱԳԼ-ԳՀԾՁԲ-21/10 ծածկագրով ընթացակարգի գնահատող հանձնաժողովին ընդունել որոշում՝ գների նվազեցման նպատակով միաժամանակյա նոր բանակցություններ հրավիրելու վերաբերյալ:

Միևնույն ժամանակ հիմք ընդունելով Կարգի 26-րդ կետի 5-րդ ենթակետը՝

**միջնորդում ենք**

ԱԱԳԼ-ԳՀԾՁԲ-21/10 ծածկագրով ընթացակարգի գնահատող հանձնաժողովից պահանջել 2021 թվականի մարտի 4-ին՝ ժամը 12:00-12:30 կայացած նիստի տեսաձայնագրությունը կամ ձայնագրությունը:

**Կից ներկայացվում են՝**

1. «Գրանթ Թորնթոն» ՓԲԸ տնօրենի կողմից Աստրակ Բաղայանին տրված իրազեկագրի պատճենը, որի վրա անկա է գնումների համակարգող Ա. Պետրոսյանի նշումը.
2. Բողոքարկման վճարի կատարումը եաստատող տնօրդրագրի պատճենը.
3. Թաղվածք ՀՀ արդարադատության նախարարության իրավաբանական անձանց պառնական ուղիստրից (2021 թվականի մարտի 9-ի գրությամբ).
4. «Գրանթ Թորնթոն» ՓԲԸ տնօրենի նույնականացման քարտի պատճենը:

«Գրանթ Թորնթոն» ՓԲԸ  
Արմեն Հովհաննիսյան

